



Sarajevo, 6. 2. 2018. godine

Broj: 03-01-3-43-2/18

U-078/18
7.2. 18

Udruženje poslodavaca Federacije Bosne i Hercegovine

N/r Gospodin Mladen Pandurević, direktor

Mula Mustafe Bašeskije 12/3

71 000 Sarajevo

Predmet: Saradnja UP FBiH na realizaciji istraživačkog projekta „Harmonizacija sistema nauke u Bosni i Hercegovini“

Poštovani gospodine Pandureviću,

U skladu sa telefonskim razgovorom od 6. 2. 2018. godine, dostavljam Vam materijale projekta „Harmonizacija sistema nauke u Bosni i Hercegovini“ i konkretiziran prijedlog saradnje Akademije nauka i umjetnosti Bosne i Hercegovine i Udruženja poslodavaca Federacije Bosne i Hercegovine na ovom projektu. Molim Vas da ovu inicijativu stavite na dnevni red sjednica nadležnih organa Udruženja poslodavaca Federacije Bosne i Hercegovine.

Federalno ministarstvo obrazovanja i nauke i Akademija nauka i umjetnosti Bosne i Hercegovine sklopili su 19. 9. 2017. godine ugovor o sufinansiranju projekta „Harmonizacija sistema nauke u Bosni i Hercegovini“. Ugovor je zasnovan na projektnom zadatku koji Vam dostavljamo u prilogu.

Prethodna istraživanja su pokazala da je povećanje udjela privrede u finansiranju i izvođenju najšire shvaćenih naučnih istraživanja jasno izražen trend u razvijenim državama svijeta. U Bosni i Hercegovini ne postoje pouzdani podaci o učešću privrednih subjekata u organizaciji, finansiranju i provođenju inovacijskog rada i u primjeni njegovih rezultata. Cilj našeg istraživanja je, između ostalog, da objektivno i tačno utvrdi stanje u ovom domenu. Na toj osnovi može se predložiti prihvatljiv model učešća privrednih subjekata u izgradnji bosanskohercegovačkog društva i ekonomije koji su zasnovani na znanju.

Da bi se ostvario postavljeni zadatak, potrebno je istražiti stvarno stanje istraživačkih i razvojnih aktivnosti u privrednim subjektima Bosne i Hercegovine. Dio podataka za Republiku Srpsku vjerovatno će se dobiti iz Ministarstva za nauku i tehnologiju ovog entiteta. U Federaciji Bosne i Hercegovine je neophodno provesti terensko istraživanje na osnovu upitnika koji će prema planu do kraja juna 2018. godine sastaviti istraživački tim projekta. Primjedbe Udruženja poslodavaca Federacije Bosne i Hercegovine na upitnik će biti dobrodošle.

Molimo Vas da Udruženje poslodavaca Federacije Bosne i Hercegovine pruži svoj doprinos ovom istraživanju tako što će upitnik distribuirati srednjim i velikim preduzećima u Federaciji Bosne i Hercegovine s molbom da ga popune. Cijenili bismo saradnju organa Udruženja poslodavaca Federacije Bosne i Hercegovine u dobijanju što većeg broja popunjenih upitnika.

S poštovanjem,



Miloš Trifković
Akademik Miloš Trifković,
predsjednik ANUBiH

Prilog:

- Projektni zadatak „Harmonizacija sistema nauke u Bosni i Hercegovini